

Dios ta Amor.

Esun ku **no** ta **Stima no konosé Dios** i **nunka** a **konosé Dios**, pasobra **Dios ta Amor** (1 Juan 4:8).

I nos a **konosé, komprendé, rekonosé, ta konsiente** i a **kere i konfia** e **Amor** ku **Dios** tin pa **nos**. **Dios ta Amor**, i esun ku ta **permanesé i kontinuá** den **Amor** ta **permanesé i kontinuá** den **Dios**, i **Dios** ta **permanesé i kontinuá** den **djé** (1 Juan 4:16).

Dios Tata su Amor ta pa semper. **Dios Tata** por **rabia**. **Dios Tata** ta por ta **indigná**. **Dios Tata** por ta **desapuntá**. **Dios Tata** por a wòrdu **bandoná**. **Nos** por kometé **pika**. **Nos** por hasi **malu**. **Nos** por **faya** ku **Dios Tata**. **Nos** por kometé **adulterio**. **Nos** por **mata**. **Nos** por hasi hopi **kontra Dios Tata** su **mandamentunan**. Den henter Beibel no tin niun kaminda skirbi ku **Dios Tata** ta stòp si **Stima ABO**. **Nos** por hasi tur kos **kontra** di **Su Lei (Torah)**, pero **Dios Tata su Grasia i Amor** ta pa **Eternidat** (**Salmo 136:2-3**).

Yeshua ta Amor.

Yeshua a kontestá: "Esun di **promé** ta: 'Tende, **O Israel, SEÑOR nos Dios** ta **ún SEÑOR**. **Stima SEÑOR bo Dios for di i ku henter** bo **Kurason**, i **for di i ku henter** bo **Alma**, i **for di i ku henter** bo **Mente**, i **for di i ku henter** bo **Forsa**.' E **di dos** ta esaki: '**Stima** bo **Próhimo** manera bo **Mes**.' No tin ningun otro mandamentu mas grandi ku esaki-nan." (**Marko 12:29-31**).

"Tende, **O Israel! SEÑOR ta nos Dios, SEÑOR ta ún!** I **Stima SEÑOR bo Dios for di i ku henter** bo **Kurason**, **for di i ku henter** bo **Mente**, **for di i ku henter** bo **Alma** i **for di i ku henter** bo **Forsa**. E palabranan aki, ku mi ta **ordená abo** awe, mester ta **Promé** riba bo **Mente** i **Kurason**; **e ora ei** (**Deuteronomio 6:4-6**).

Yeshua a bisa; riba **e dos mandamentunan** aki **henter** e **Lei (Torah)** i e **Profetanan** ta basá. **Amor** ta den **promé lugá**, ta pa esei e versíkulo di **Deuteronomio 6:6** ta kaba ku; **e ora ei**. **E ora ei nos por hasi tur kos** sobra den e **mundu** aki, ku **nos** ta riba dje **temporalmente** sin ku **nos** ta **parti di** e **mundu** aki. Maske **nos no** ta **parti di e mundu** aki, dor di **Amor, nos por hasi tur kos**. Dor di e **Poder, Forsa** i **Grasia** ku **nos** tin, dor di **Yeshua** den **Dios Tata**, **nos** ta vense, **nos** ta sali **viktorioso**. **Yeshua** a wòrdu **traishoná**. **Yeshua** a wòrdu **bandoná**. **Yeshua** a wòrdu **maltratá**. **Yeshua** a wòrdu **menospresíá**. **Yeshua** a wòrdu **rechasá**. **Yeshua** a wòrdu **ignorá**. **Yeshua** a wòrdu **oprimí**. **Yeshua** a **soportá tur e kosnan** aki pa e **Amor** ku **Yeshua** tin pa **nos**.

Spiritu Santu ta Amor.

Pero loke **E Spiritu Santu** ta **generá** ta **Amor**, goso, pas, pasenshi, amabilidad, bondat, fieldat, humildat, dominio propio; kontra kosnan asina no tin lei (**Galatanan 5:22-23**). **E Spiritu Santu** su **Amor** ta e **resultado** di **Dios Tata Su Presensia** den **nos**. **E Amor** di **Spiritu Santu** ta e **resultado** di **Yeshua Su Presensia** den **nos**.

Nos Amor mester ta e **resultado** di **Dios Tata Su Presensia** den **nos**.

Nos Amor mester **kibra tur bareranan** manera Yeshua a **kibra tur e bareranan**.

Nos Amor mester ta e **preokupashon konserní pa otro-nan** ku no tin **Dios Tata Su Amor**.

Nos Amor mester ta **puru** i **sin huisio**, di manera ku **Dios Tata Su Amor** por **multipliká**.

Nos Amor mester **resplandesé Dios Tata Su Goso** den **nos**.

9 September 2016
Sea Bendishoná den e Amor di Yeshua Mesias
Rev. Remsly L Riley